

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

Symbolum LVI. Arion citharœdus à delphino servatus.

---

[urn:nbn:de:hbz:466:1-68709](#)

## SYMBOLVM LVI.

Arion Citharœdus, à delphino servatus,  
*Herodotus in Clio. Ovid. lib. 2. Faſtor.*

## Ethicè,

1. Avaritiae tormentum. 2. Musica etiam brutas animantes deleat. 3. Amor delphinis erga hominem. 4. Delphinus variorum virtutum Symbolum.

**O**rpheo merito subjungimus *Arionem*, qui quod ille in silvis, ipse in undis præstítit; alter feras silvestres, alter marinas suavitate cantus demulſit, & in admirationem ac amorem sui traxit.

Orpheus in silvis, inter Delphinas Arion.

Erat Arion patria Methymnaeus, ludendi fidibus peritissimus, Periandro Regi Corinthi longè charissimus, artis gratia; delatus in Italiam aures omnium, mentesque canendo cepit. Grandi postea pecuniā, & remultā copiosus in Græciam statuit redire, & quæſitas opes conductō naviō Corinthum transferre. Navem igitur & nautas, ut notiores, amiciorésque Corinthios sibi de legit. Illi homine accepto, navique in altum proiectā, prædæ, pecuniaeque avidi, consilium ineunt de necando Arione. Quem cùm jamjam in mare præcipitem daturi essent, hoc unicum sibi in extrema morte solatium impendi rogavit, ut suis ornatibus sibi indui permisit, fides capere, & funeri carmine præludere licet; ratus, barbarorum in ſe hominum conceptum furorem cantu mitigari posse. Indulta illi quidem aliqua fidium modulatio, sed quam immites denique nautæ præcipitato in Oceanum Arione, abrumperent. Alii ſcribunt, Arionem de more cinctum, amictum, ornatum, ſtantémque in ſumma puppe, cùm vitam à trunculentis cantando exorare non posset, ſemet in profundum ejecisse. Quidquid sit; hominibus mitiores fuere marinæ belluae; ſiquidem delphinus, ô novum, & mirum, & pium facinus! cantu illectus adfuit, dorsumque nataturo præbuit Citharœdo, atque in *Tanarum Laconiæ*, eundem cum ſcleratis nautis, portum deportavit. Arion ex eo loco Corinthum petiit: talémque Periandro regi, qualis Delphino uestus fuerat, ſe obtulit: eique rem, ſicut acciderat, enarravit. Rex iſthac parūm

parum credidit, Arionem, quasi falleret, custodiri iussit; nautas requiritos, alegato Arione, dissimulanter interrogat, ecquid audiissent in iis locis, unde venerant, super Arione? Illi respondent, hominem, cum indeirent, in terrâ Italâ fuisse, eumque illic bene agitare, & studiis delectationibusque urbium florere, atque in gratia, pecuniâque magna fortunatum esse. Inter hæc eorum verba subito Arion cum fidibus & induimentiis, cum quibus in salum erat dejectus, extitit. Nautæ stupefacti, convictione ire inficias non quivere; quare Rex maleficos capitis condemnat, Arionique restitutis fortunis, simul improborum se vindicem, simul innocentiam defensorem exhibuit. Quam verè Horatius

Rarò antecedentem scelestum

Deservit pœna pede claudio.

Festivè ut solet Naso lib. 2. Fastor. hanc fabulam decantat. Audimus:

Quod mare non novit, quæ nescit Ariona tellus?

Carmine currentes ille tenebat aquas.

Sæpe sequens agnam, lupus est à voce retentus,

Sæpe avidum fugiens, restitit agna lupum.

Sæpe canes, leporésque una jacuere sub umbra;

Et stetit in faxo proxima cerva leæ.

Et sine lite loquax cum Palladis alite cornix

Sedit, & accipitri juncta columba fuit.

Cynthia sæpe tuis fertur, vocalis Arion,

Tanquam fraternis, obstupuisse modis.

Nomen Arionum Siculas impleverat urbes,

Captaque erat Lyricis Ausonis ora sonis,

Inde domum repetens, puppim conscendit Arion,

Atque ita quæstas arte ferebat opes.

Forsitan infelix ventosque, undásque timebas,

At tibi nave tua tutius æquor erat.

Namque gubernator districto constituit ense,

Cateraque armata conscientia turba manu.

Ille metu pavidus, Mortem non deprecor, inquit.

Sed liceat sumptâ pauca referre Lyrâ.

Dant veniam, ridentque moram: capit ille coronam,

Quæ posset crines, Phœbe, decere tuas

Induerat Tyrio distinctam murice pallam:

Reddidit icta suos pollice chorda sonos,

T 6 2

Flebi-

Flebilibus numeris, veluti canentia durâ  
 Trajectus pennâ tempora cantat olor.  
 Protinus in medias ornatus desilit undas,  
 Spargitur impulsâ cœrula puppis aquâ  
 Inde (fide majus) tergo delphina recurvo  
 Se, memorant, oneri supposuisse novo.  
 Ille sedet, citharâmque tenet, pretiûmque vehendi  
 Cantat, & æquoreas carmine mulcet aquas.

## Ethica.

I. (a) Protrahatur, hic exclamat Valerius Max. lib. 9. c. 4. in medium avaritia, latentium indagatrix lucrorum, manifestæ prædæ avidissima vorago, nec habendi fructu felix, & cupiditate quærendi miserrima. Et nemo tam firmum habuit præsidium, quod avaritia non infregerit, atque debilitaverit. In nullum avarus bonus est, in se pessimus. Hinc Corinthii isti necem Arioni machinati, sibi intulerunt; illum in pelagus, se in nefariæ machinationis supplicium conjecterunt. Plus enim sibi ipsis nocent, qui in alios fraudem struunt; quia magis hos conscientia cruciat, quam illos damnum. Index exspectatur, ait S. Basilius hom. 21. & avarus cogitat, ne in jus trahatur; ne orphanus suas lacrimas in foro palam faciat. Nocte consultat, quomodo manè sibi quosdam advocates præparet, quomodo in judicio mentiendo, destitutum opprimat. Eius animus hæc curæ continuò mordaces absumunt. Canis latrat, avarus putat furem esse. Mus fortè perstrepit, & avari cor palpitat. Filios jam grandes ut insidiatores aspicit, & successores relinquere suarum opum timet. Documentum huius rei dedere nautæ, qui felicius appulissent, si innocentius navigassent. Evasit è fluctibus Arion, & mersi sunt, qui mergere voluerunt. Sic perfidia sibi consulit. Vide emblema Alciati 89.

II. (b) Sed de impio pecuniæ quærenda studio dicendi non una fabula argumentum suppeditat. De laude Musicæ pluribus paulò supra egimus in Orpheo. Hic tantum addimus, quod Martianus Capella scribit lib. 9. de Musica; ubi ostendit, quanta sit vis musicæ in exhilarandis, sed andis, & cicurandis nō tantum hominibus efferis & ebriis, sed & bestiis. Inter alia hæc habet. Cervi fistulis capiuntur: pisces in stagno Alexandriae, crepitu detinentur: cygnos hyperboreos citharæ cantus adducit: elephantos Indicos Organica permullos detineri voce compertum: fistulis aves allici comprobatum:

(a) Avaritia tormentum. (b) Musica oblectat animantes ratione carentes. fides

fides delphinis amicitiam hominum persuadere, imò cantibus allici, disrumpique serpentes. Febrem curabant vulneraque veteres cantione: Asclepiades tubâ surdissimis medebatur; ad affectiones animi tibias Theophrastus adhibebat: ischiada quis nescit expelli aulœdi suavitate? Xenocrates organicis modulis lymphaticos liberabat: Thaletem Cretensem citharae dulcedine compertum est morbos ac pestilentiam fugasse: Hierophilus ægrorum venas rhythmorum collatione pensabat. Hæc ille. Quibus addo: Camelus modulatione plurimùm capit: itaque si fessus longo itinere subsistat, ductor non flagris aut verberibus ad progrediendum eum stimulat, sed sonitu, cantûque demulcet. Majol. coll. 7. Equos ad pugnam incitari tubis, quis nescit? Tunc enim, quod Jobus afferit c. 39. Contemnit pavorem, nec cedit gladio, super ipsum sonabit pharetra, vibrabit hasta & clypeus. Vbi audierit buccinam, dicit: Vah! Quid, quod apicula quoque pulsu gaudeant, atque tinnitu æris convocentur. De delphino speciatim Plinius: delphinus ait, non homini tantum amicum animal, verum & musicæ arti; mulcetur Symphoniam cantu, & præcipue hydrauli sono. Gotthicarum rerum scriptores narrant, regionem illam ursis abundare, qui sèpè in pastores impetum faciant, eoque devovent; cujus tam gravis periculi effugiendi causâ solere eos secum assidue tibias circumferre, quas inflant, simul atque ab urso aliquo peti se vident. Feram autem cantu illo captam subsistere, ac ubi se aliquantisper oblectavit, aliò se ad pastum quærendum conuertere. Mirius his etiam est, quod Polyhistor c. 11. narrat, in Halesia regione, fontem alias quietum & tranquillum cùm siterur; sin' insonet tibiæ, exultabundum ad cantum elevari, & quasi miretur suavitatem vocis, ultra marginem intumescere.

III. (c) φιλανθρωπία delphini meretur, ut, quoniam locus hic monet, pluribus illustretur. Veteres delphino vesci, ait Pierius lib. 27. c. 2. scelus putabant: quòd quædam illi sint humano cum genere commercia; unde *Arion delphino insidens*, emblema ac Symbolum est humilitatis. Plinius de eo: hominum, inquit, atque in primis puerorum amans bellua est. Ideoque crocodilorum hostis infestissimus, propterea quòd crocodilus humano semper generi insidiatur: atque ita ipsa naturæ repugnantia inimicitias generat. Idem refert lib. 9. c. 8. sub Augusto puerum ex Baiano Puteolos ad Iudum litterarium deferri à Delphino solitum, ad *Simonis* vocem (nam quia delphines simo sunt rostro, gaudent simones appellari) repente se vectorem stitisse, pane ex mani-

T t 3

bus

(c) *Amor delphinis erga hominem*

bus illius partum; cùmque puerō demum extincto, præ mortore etiam expirasse. In eodem argumento festivam historiam narrat alter Plinius lib. 9. epist. Est in Africa, inquit, Hipponeñsis Colonia, mari proxima: adjacet ei navigabile stagnum, ex quo in modum fluminis æquarium emergit, quod vice alterna, prout aestus aut repressit, aut impulit, nunc infertur mari, nunc redditur stagno. Omnis hic ætas pescandi, navigandi, atque etiam natandi studio tenetur; maximè puerorum, quos otium, iudicisque sollicitat. His gloria & virtus, altissimè provehi, victor ille, qui longissimè ut littus, ita simul nantes reliquit. Hoc certamine quidam puer ardenter cæteris in ulteriora tendebat: delphinus occurrit, & nunc præcedere puerum, nunc sequi, nunc circuire: postremò subire, deponere, iterum subire, trepidantemque perferre, primum in altum: mox flectit ad littus, redditque terræ & æqualibus. Serpit per Coloniam fama: concurrere omnes, ipsum puerum tanquam miraculum aspicere, interrogare, audire, narrare. Postero die obsidet littus, prospectant mare, & si quid est mari simile, natant pueri inter hos ille, sed cautiūs. Delphinus rursus ad tempus, rursus ad puerum venit, fugit ille cum cæteris. Delphinus quasi invitet, revocet, exhibet, mergitur, variisque orbes implicat, expeditque. Hoc altero die, hoc tertio, donec homines innutritos mari, subiret timendi pudor: accedunt & alludunt, & appellant: tangunt etiam, pertrectantque præbentem terga. Crescit audacia experimento. Maximè puer, qui primus expertus est, adnatat, natantis insilit tergo ferturque: agnoscit se, amari putat, amat ipse: neuter timet, neuter timetur. Hujus fiducia, mansuetudo illius augetur: nec non alii pueri dextra, lœvaque similunt hortantes, monentesque. Ibat una (id quod mirum) delphinus alias, tantum spectator & comes. Nihil enim simile aut faciebat, aut patiebatur: sed alterum illum ducebat, reducebat, ut puerum cæteri pueri. Hæc Plinius junior. Quid officiosius exspectet homo ab homine? Nec mirum. Delphinum ipsa natura mansufecit; solus omnium piscium felle caret. Adde, quod delphini sint prognosticon malacizæ, ac tranquillitatis marinæ, cùm videntur in superficie pelagi frequentius se versare, exilire, & plures quodammodo lascivire inter se colludentes. Pier. 1. e.

III. (d) Hinc imago Symbolica serenitatis, est emblema Neptuni sedentis in portu, dextrâ tridentem apprimentis terræ, lœva delphini

(d) *Delphinus symbolum, of tranquilla mentis, humanitatis, gratitudinis, vigilancia, celestis.*

num amplectentis. Nihil aptius ad exprimendam mentis placiditatem; quæ tune adest, quando stat animus sine ventis, & fluctibus, hoc est, perturbationibus, præsertim iracundiæ, quæ veluti rapidi turbines concitant horridam tempestatem, atque imo evertunt æquora fundō. Quid illud amplius in hac neptunia fera? venientibus *alludit* navigiis, & licet plenis carbasis euntia, prævolat: atque ut vectoribus delicias faciat, ingenti saltu super naves elibratur in altum, & innoxiam aquarum tempestatem naribus ac ore vomit. Adde lusibus *utilitatem*. In pescatione mugilum, delphini se hominibus quandoque socios præstant, occurrentes id genus pisces turmatim, invadunt, & vel in retia adigunt, vel occidunt, cibis in præmium laboris relatis. Hæc Plinius Major loc. cit. De *gratitudine* delphini mirum quid scribit Ælianuſ lib. 8. c. 3. Delphinas vir quidam ad Bizantium captivos pecunia redemit, & manè liberos dimisit. Non excidit beneficii memoria; hominem enim postea, cum navis esset submersa, exceperunt gratissimi pisces, & placide collocarunt in portu. Cum verò fato functus esset, & exequiarum pyra arderet in littore, frequentes exilierunt ē mari, nec nisi restincto rogo, quasi officiosissimi amici discesserunt. *Vigilantia* porrò quanta? perpetuo motu prædictus delphinus est, & ne dormiens quidem à motione conquiescit. Dicere possis: *Vita ipsa vigilia*. Jam quanta piscis hujus *celeritas*? cum sagittis certare videtur. M. Calphurnius Bibulus ut declararet celeritate maritimæ expeditionis victoriam sibi allatam, delphinum pinxit laureatum, supra tridentem collocatum. Habent ergo homines, quod in hominibus, nautis illis barbaris detestentur; per fidiam & inhumanitatem. Habent in belluis, delphinis, inquam, quod imitentur, & discant esse homines, hoc est, faciles, mites, benefici, grati, in negotiis suis expediti, alacres, vigilantes.



SYM-

bus illius partum; cùmque puerō demum extincto, præ mortore etiam expirasse. In eodem argumento festivam historiam narrat alter Plinius lib. 9. epist. Est in Africa, inquit, Hipponeñsis Colonia, mari proxima: adjacet ei navigabile stagnum, ex quo in modum fluminis æquarium emergit, quod vice alterna, prout aestus aut repressit, aut impulit, nunc infertur mari, nunc redditur stagno. Omnis hic ætas pescandi, navigandi, atque etiam natandi studio tenetur; maximè puerorum, quos otium, iudicisque sollicitat. His gloria & virtus, altissimè provehi, victor ille, qui longissimè ut littus, ita simul nantes reliquit. Hoc certamine quidam puer ardenter cæteris in ulteriora tendebat: delphinus occurrit, & nunc præcedere puerum, nunc sequi, nunc circuire: postremò subire, deponere, iterum subire, trepidantemque perferre, primum in altum: mox flectit ad littus, redditque terræ & æqualibus. Serpit per Coloniam fama: concurrere omnes, ipsum puerum tanquam miraculum aspicere, interrogare, audire, narrare. Postero die obsidet littus, prospectant mare, & si quid est mari simile, natant pueri inter hos ille, sed cautiūs. Delphinus rursus ad tempus, rursus ad puerum venit, fugit ille cum cæteris. Delphinus quasi invitet, revocet, exhibet, mergitur, variisque orbes implicat, expeditque. Hoc altero die, hoc tertio, donec homines innutritos mari, subiret timendi pudor: accedunt & alludunt, & appellant: tangunt etiam, pertrectantque præbentem terga. Crescit audacia experimento. Maximè puer, qui primus expertus est, adnatat, natantis insilit tergo ferturque: agnoscit se, amari putat, amat ipse: neuter timet, neuter timetur. Hujus fiducia, mansuetudo illius augetur: nec non alii pueri dextra, lœvaque similunt hortantes, monentesque. Ibat una (id quod mirum) delphinus alias, tantum spectator & comes. Nihil enim simile aut faciebat, aut patiebatur: sed alterum illum ducebat, reducebat, ut puerum cæteri pueri. Hæc Plinius junior. Quid officiosius exspectet homo ab homine? Nec mirum. Delphinum ipsa natura mansufecit; solus omnium piscium felle caret. Adde, quod delphini sint prognosticon malacizæ, ac tranquillitatis marinæ, cùm videntur in superficie pelagi frequentius se versare, exilire, & plures quodammodo lascivire inter se colludentes. Pier. 1. e.

III. (d) Hinc imago Symbolica serenitatis, est emblema Neptuni sedentis in portu, dextrâ tridentem apprimentis terræ, lœva delphini

(d) *Delphinus symbolum, of tranquilla mentis, humanitatis, gratitudinis, vigilancia, celestis.*